

SARS E HAPA TERAKA E NANG LE DISAKARETE TSE SENG MOLAONG

Tshwane, 2 Motsheanong 2023 - Sehlopha sa phethahatso ya molao se akgang ka hare Ditshebeletso tsa Sepolesa sa Afrika Borwa le Sepolesa sa Tshwane Metro ka mora ho longwa tsebe ba ile ba kgaoletsa teraka e neng e laetse disakarete tse seng molaong mane Bronkhorstspuit ka matjeke a Mantaha, 1 Motsheanong 2023.

Disakarete tsena tse seng molaong di tlisitswe ka hara naha ka lediboho la Beit Bridge mme tsa tsebahatswa ka leshano la hore ke mahlare a tee. Teraka ena e ile ya emiswa mane Bronkhorstspuit. Ka nako eo e neng e atomelwa, mokganni wa yona o ile a baleha mme teraka ena le moqeqeko wa yona tsa hapuwa. Teraka ena e ne e jere mabokose a 1000 (mabokose a sethatho) a disakarete tse seng molaong tsa boleng bo neng bo tla beha tsa pokello ya lekgetho ka mosing bo ballwang ho R20 million. Teraka ena le dikahare tsa yona e fetiseditswe sebakeng se bolokehileng sa SARS. SARS e tla senola tse ding hape hang feela ha diphuputso di se di loetse.

Khomishenara ya SARS Mong. Edward Kieswetter o hlahisitse teboho ya hae ho sehlopha sena se ileng sa sala lesedi lena morao ka bokgabane nakong eo se neng se le fumana. O itse: "Ke lakatsa ho leboha haholo Mafrikaborwa ana a ratang naha ya bona ba ileng ba loma tsebe bophethahatsi ba molao mabapi le lesedi lena la bohlokwa le bakileng hore ho hapuwe teraka ena e neng e jere disakarate tse seng molaong. Naha ena e lwantshana le ho nama ha disakarate tse seng molaong, tse mokolwang ho tswa dinaheng tsa boahisane, ka sepheo sa ho thefula bahlahisi ba molaong, e seng bona feela, empa le ho nonyetsa mokotla wa naha hore o se fumane lekgetho le hlokehang. Molaetsa wa rona ho dinokwane tse etsang diketso tsena tsa kgwebo e seng molaong ke hore re ka se lobe letho ho nkgisana mahafi le bona. Boipiletso ba rona ke hore, ikobele molao, ho seng jwalo o tla tobana le diphetho tsa ho se etse jwalo".

Ho fumana lesedi le fetang lena, ka kopo ikopanye le SARSMedia@sars.gov.za